


Filipino

Unang Markahan – Modyul 3: Pagsasabi ng Mensaheng Nais Ipabatid





Alamin

Pagkatapos ng aralin, ikaw ay inaasahang makapagsasabi ng mensahe, paksa o tema na nais ipabatid sa patalastas, kuwentong kathang-isip o teksto hango sa tunay na pangyayari.



Subukin

Panuto: Piliin ang angkop na mensaheng nais ipabatid sa sumusunod na sitwasyon. Bilugan ang letra ng tamang sagot.

1. Nais ng nakababatang kapatid mo na maligo sa *pool* pero naglalaro ka pa ng gadyet mo. May nabasa kang;
“Huwag pabayaang maligo mag-isa ang mga bata sa *pool*.” Ano ang ibig sabihin nito?
 - a. Samahan ng mas nakakatanda kapag maliligo sa *pool*.
 - b. Hayaang maligo mag-isa ang bata.
 - c. Maligo kasama ang mas nakababatang mga kapatid.
 - d. Pasamahan sa mga kaibigan.
2. Nagyayang mamasyal ang iyong kaibigan sa isang Mall na maraming mabibili at maraming kainan. Naalala mo nabanggit sa isang aralin ng iyong guro na “Tangkilikin ang sariling produkto.” Ano ang ibig sabihin nito?
 - a. Kumain sa restawran ng mga Intsik.
 - b. Bumili ng gawa ng ibang lahi.
 - c. Magpabili ng mga **imported** na damit.
 - d. Bilhin ang mga gawa sa sariling bayan.

3. Habang nagmamaneho ang tatay mo may nabasa ka sa daan na “Mag-ingat sa pakurbadang linya.” Ano ang mensaheng nais ipabatid?
- Patakbuhan nang mabilis ang sasakyan.
 - Bagalan ang takbo ng sasakyan.
 - Bumusina habang tumatakbo ang sasakyan.
 - Ihinto ang sasakyan.
4. Kakain kayo ng pamilya mo sa restawran ngunit pagpasok sa pinto ay nabasa mo ang; “Basa ang sahig.” Ibigay ang ibig sabihin ng nabasa.
- Magpadulas sa sahig.
 - Iwasan ang basang sahig.
 - Tumalon sa basang sahig.
 - Maglaro sa basang sahig.
5. Pumunta si Ben sa bahay ng kaklase niya para manghiram ng aklat. Nakita niya na may nakalagay sa bakuran na “Mag-ingat sa aso.” Ano ang ibig sabihin nito?
- Makipaglaro sa aso.
 - Pakainin ang aso.
 - Huwag pumasok dahil may aso.
 - Batuhin ang aso.

Aralin

4

Pagsasabi ng Mensaheng Nais Ipabatid

Sa araw-araw ay marami tayong mga impormasyon na nababasa, napapanood at naririnig. Maging sa pamamasyal ay may nakikita tayong mga paalala na nakapaskil sa paligid. Napakahalaga na ating maunawaan ang mensaheng hatid ng bawat impormasyon. Nagsisilbi itong gabay at paalala sa mga dapat nating gawin.



Balikan

Iguhit ang 😊 sa patlang kung ang mensaheng sinasabi ng pahayag ay kasiya-siya at ☹️ naman kung hindi.


- _____ 1. Tumulong sa mga proyektong pangkalinisan sa barangay.
- _____ 2. Magtapon ng basura sa ilog.
- _____ 3. Inihiwalay ang nabubulok sa di-nabubulok na basura.
- _____ 4. Takpan ang basurahan upang hindi mangamoy.
- _____ 5. Kumain ng prutas at gulay.



Tuklasin

Likas sa ating mga Pilipino ang pagiging masunurin. May mga babala at paalala tayong dapat na sinusunod. Basahin ang kuwento.

Mga Paalala



Isang hapon, naisipang dumalaw ni Allan sa puntod ng kanyang lola kasama ang kaibigang si Kit. Masaya silang nagkukuwentuhan habang naglalakad papasok sa **Memorial Park**. Sila ay biglang huminto nang mapansin ang mga nakasulat na paalala sa paligid.

Bawal tapakan ang damo at putulin ang mga halaman.
Bawal pumitas ng mga bulaklak.
Itapon ang basura sa tamang lalagyan.

Natuwa ang magkaibigan nang makarating sila sa puntod. Iniwasan nilang masira ang mga halaman at itina-pon nila ang kanilang kalat sa basurahan.



Suriin

Panuto: Sagutin ang sumusunod na tanong.

1. Sino ang magkaibigan sa kuwento? _____
2. Bakit sila pumunta sa Memorial Park? _____

3. Kung ikaw ang isa sa magkaibigan, iiwasan mo rin bang masira ang mga halaman? Ipaliwanag ang iyong sagot.

4. Ano ang mensahe ng kuwento?


Ang mga sumusunod ay ilan lamang sa mga babala o paalala na nakikita natin sa mga pampublikong lugar.

Babala / Paalala	Mensahe
Tumawid sa tamang tawiran	Tumawid sa inilaan na tawiran o pedestrian lane .
Bawal tumambay dito	Hindi maaring manatili sa lugar.
Mag-ingat sa aso	Umiwas at baka makagat ng aso.
Bawal magsulat sa pader/dingding	Hindi dapat sulatan ang pader o dingding
Bawal manigarilyo	Hindi maaaring magsindi ng sigarilyo.
Bawal magsugal	Hindi maaaring maglaro ng baraha o iba pang sugal.



Mga Tala para sa Guro


Gabayan ang mag-aaral sa mga sumusunod na
Gawain. Ipagawa ang mga pagsasanay sa mag-aaral.




Pagyamanin

Pinatnubayang Pagsasanay 1

Panuto: Piliin ang letra ng angkop na mensaheng sinasabi ng larawan.




A. Laging maghugas ng kamay.



B. Magsuot ng *facemask* kapag lalabas ng bahay.



C. Dumistansiya sa kapwa para maiwasan ang sakit na **COVID**.



D. Manatili sa bahay upang maiwasan ang sakit na lumalaganap.



E. Kung inuubo o may sakit magsuot ng *facemask*.

Pinatnubayang Pagtatasa 1

Panuto: Tukuyin ang mensaheng nais ipabatid ng sumusunod na larawan. Isulat ang titik ng iyong sagot sa patlang.

- a. tumawid sa tamang tawiran
- b. bawal umihi
- c. bawal pumarada
- d. bawal manigarilyo
- e. bawal magtapon



Pinatnubayang Pagsasanay 2

Panuto: Basahin ang maikling kuwento at ibigay ang mensaheng nais ipabatid. Piliin ang letra ng tamang sagot.

1. Isang hapon, nagsabi ang nanay na aalis siya sandali para bumili ng ulam sa palengke kaya inutusan niya si Ben na bantayan ang kanyang nilulutong sinaing. Maya maya tinawag ng kalaro si Ben at nakalimutan niya ang bilin ng kanyang ina dahil dito nasunog ang sinaing. Galit na galit ang nanay ni Ben sa nangyari.
 - a. Nagalit ang nanay ni Ben dahil naglalaro si Ben nang umuwi ang nanay.
 - b. Nagalit ang nanay ni Ben dahil maaaring masunog ang kanilang bahay.
 - c. Nagalit ang nanay dahil may nakaaway siya sa palengke.
 - d. Nagalit ang nanay dahil walang kalaro si Ben.
2. Masayang naglilinis ang magkakapitbahay sa kanilang paligid nang dumating si Kapitana Paola. May nagwawalis, naghahakot ng basura at nagtatabas ng damo. Mabilis nilang natapos ang gawain kaya natuwa si Kapitana Paola at binigyan sila ng meryenda.
 - a. Nagiging madali at magaan ang gawain kung nagtutulungan.
 - b. May libreng meryenda kapag nagtrabaho.
 - c. May oras ng kasiyahan.
 - d. Magagawa ang gawain kung may nakabantay

3. Nagkukuwentuhan habang bumibili ng meryenda sa kantina ang magkaklaseng sina Ana at Kass. Naalala ni Kass ang sabi ng nanay niya na kumain ng masustansiyang pagkain kaya bumili siya ng nilagang saging at nilagang itlog.
- Kumain ng **junk foods**.
 - Kumain ng mga kendi.
 - Kumain ng masustansiyang pagkain.
 - Kumain ng **imported na pagkain**.
4. Ikapito ng gabi, tapos nang kumain ng hapunan ang Pamilya Dinglasan. Inaantok na si Nikki ngunit nais pa ng kapatid niya na manood ng telebisyon. Naalala ni Nikki ang paalala ng guro na mag-aral ng leksiyon dahil mayroon silang pagsusulit.
- Makipaglaro sa kapatid.
 - Basahin at pag-aralan ang mga aralin.
 - Manood ng telebisyon hanggang hatinggabi.
 - Makipagkuwentuhan sa pamilya
5. Pagkatapos kumain, si Roda ang naatasan na magligpit ng pinagkainan dahil maglalaba pa ang nanay niya ng mga damit. Nais mo sanang lumabas para mamasyal sa parke kasama ang iyong mga kaibigan.
- Itapon sa basurahan ang pinagkainan.
 - Maghain ng mga pagkain sa lamesa.
 - Linisin ang lamesa at hugasan ang mga plato.
 - Makipagtulungan sa mga kaibigan

Pinatnubayang Pagtatasa 2

Panuto: Basahin at piliin ang mensaheng nais sabihin ng mga babala at paalala. Isulat ang titik ng tamang sagot sa patlang.

- _____ 1. Bawal ang mang-*bully* ng kapwa.
- a. huwag makipag-away
 - b. makipaglaro sa kapwa bata
 - c. tulungang batuhin ang kaklase
 - d. tuksuhin ang bata
- _____ 2. Bawal tumakbo sa tabi ng *swimming pool*.
- a. huwag makipag-away
 - b. makipaglaro sa kapwa bata
 - c. tulungang batuhin ang kaklase
 - d. iwasan ang pagtakbo
- _____ 3. Bawal tumambay dito.
- a. huwag makipag-away
 - b. makipaglaro sa kapwa bata
 - c. huwag manatili sa lugar
 - d. tuksuhin ang bata
- _____ 4. Ingatan ang inyong mga importanteng gamit.
- a. huwag makipag-away
 - b. makipaglaro sa kapwa bata
 - c. bantayan ang mahalagang gamit
 - d. tuksuhin ang bata
- _____ 5. Panatilihin ang katahimikan sa silid-aklatan.
- a. iwasan lumikha ng ingay
 - b. makipaglaro sa kapwa bata
 - c. tulungang batuhin ang kaklase
 - d. tuksuhin ang bata

Malayang Pagsasanay 1

Panuto: Isulat sa patlang ang **P** kung ang mensaheng nais sabihin ay paalala at **B** naman kung babala.

- _____ 1. Palaging maghugas ng kamay.
- _____ 2. Bawal magtapon ng basura.
- _____ 3. Bawal tumambay dito.
- _____ 4. Magsuot ng facemask paglabas ng bahay.
- _____ 5. Tumawid sa tamang tawiran.

Malayang Pagtatasa 1

Panuto: Iguhit ang  kung ang sinasabi ay babala at  naman kung paalala.

- _____ 1. Pumila bago pumasok.
- _____ 2. Bawal magtinda rito.
- _____ 3. Huwag harangan ang daan.
- _____ 4. Bawal magbaba at magsakay.
- _____ 5. Bawal pumitas ng bulaklak.

Malayang Pagsasanay 2

Panuto: Hanapin sa Hanay B ang mensaheng nais ipabatid ng mga simbulong nasa Hanay A. Piliin ang letra ng tamang sagot.

Hanay A



Hanay B

a. madulas ang daan kapag basa

b. may kapansanan

c. mapanganib nakakakuryente

d. iwasan ang pagbusina

e. mag-ingat sa paghakbang

Malayang Pagtatasa 2

Panuto: Piliin sa loob ng kahon ang angkop na mensaheng nais iparating ng sumusunod na sitwasyon. Isulat ang letra ng tamang sagot.

- a. maging matapat
- b. pangalagaan ang mga halaman
- c. matutong maghiwalay ng basura
- d. panatilihin ang kalinisan
- e. umuwi ng maaga sa bahay

1. Nakita ni Nikka ang magandang bulaklak sa parke. Gusto niya itong pitasin ngunit nabasa niya sa karatula ang “Bawal pitasin ang mga bulaklak” kaya masaya na lang niya itong pinagmasdan.
2. Nagpapatupad ng kalinisan sa parke. Nabasa mo ang “Bawal magkalat.”
3. Nakagawian mo na ang pagpunta sa bahay ng iyong kaklase tuwing uwian para makipaglaro. Habang ikaw ay naglalakad sa daan ay nakita mo ang paalala, “**Curfew** ng mga kabataan: Ikapito ng gabi.”
4. Unang araw ng klase may napulat kang pera sa inyong silid-aralan at inilagay mo iyon sa “**Lost and Found.**”
5. Isa sa ordinansa ng barangay ang paghihiwalay ng mga basura na nabubulok at di-nabubulok. Inilagay ni Roy ang balat ng mga prutas sa nabubulok.



Isaisip

Panuto: Ayusin ang mga letra ng mga ginulong salita sa kaliwa upang makabuo ng salita na angkop sa pangungusap. Tignan ang pahiwatig na mga titik sa kanan.

1. A B A B A L : B _ _ _ _ A

Ang _____ ay inilalagay upang mapalayo sa sakuna o pinsala na maaring maidulot ng isang bagay o pangyayari.

2. A L A A P L A : P _ _ _ _ _ A

Ang _____ ay ginagamit upang bigyang-diin ang mga mahahalagang impormasyon na ipinapatupad. Ito ay paalala ng dapat gawin ng tao.

3. H A P A I M A G A Y : M _ _ _ _ _ _ _ _ G

Upang mas maunawaan at _____ nang maayos ang nabasang babala o paalala na nakikita sa mga pampublikong lugar mahalagang sundin ang mga ito.

4. M A S Y O N P O R I M : I _ _ _ _ _ _ _ _ N

Basahin at unawaing mabuti ang _____ nababasang _____.


5. H A N A T O T O M A K A N : M _ _ _ _ _ _ _ _ _ _ N


Maging _____. Huwag dagdagan o bawasan ang mga nabasa.



Isagawa

Panuto: Pagmasdan mabuti ang larawan. Sumulat ng isa o dalawang pangungusap na may tamang mensahe na angkop sa mga larawan.







Tayahin

Panuto: Piliin ang angkop na mensaheng sinasabi ng sumusunod na mga sitwasyon. Bilugan ang letra ng tamang sagot.

1. Itinatapon ng kapatid ko ang balat ng saging sa tamang basurahan kaya siya ay sumunod sa:
 - a. Mag-segregate ng basura.
 - b. Mag-ingat sa pagtawid.
 - c. Bawal magtinda dito.
 - d. Bawal umihi dito.

2. Nakita ko ang kaibigan ko na pinagsasabihan ang batang nagsusulat sa pader dahil sa babala na:
- a. Mag-segregate ng basura
 - b. Bawal magsulat sa pader.
 - c. Tumawid sa tamang tawiran.
 - d. Bawal magtinda dito.
3. Tumitingin sa kaliwa't kanan ang mga tumatawid na tao sa daan upang maiwasan ang disgrasya kaya:
- a. Mag-segregate ng basura.
 - e. Mag-ingat sa pagtawid.
 - f. Bawal umihi dito.
 - g. Bawal magtinda dito.
4. Hinuli nang pulis ang lalaking umihi sa kanto dahil sa:
- h. Mag-ingat sa pagtawid.
 - i. Mag-segregate ng basura.
 - j. Pag ihi kung saan-saan.
 - k. Bawal magtinda dito.
5. Ang nagtitinda sa tabi ng simbahan ay hinuli dahil nilabag niya ang ordinansa ng barangay na:
- l. Mag-segregate ng basura.
 - m. Mag-ingat sa pagtawid.
 - n. Bawal umihi kung saan-saan.
 - o. Bawal magtinda dito.



Karagdagang Gawain

Panuto: Magbigay ng iba pang mensahe o paalala na maaaring makatulong sa inyong barangay upang lalo pa itong umunlad. Sumulat ng 5 mensahe o paalala sa mga kabarangay.



Susisa Pagwawasto

Subukin 1. A 2. D 3. B 4. B 5. C		Balikan 1. ☹️ 2. ☹️ 3. ☹️ 4. ☹️ 5. ☹️		Surin 1. Alan at Kit 2. Upang dalawin ang lola ni Alan 3. Opo, para hindi masira ang kalikasan 4. Dapat sundin ang mga babala o paalala para maiwasan ang gulo	
Pinatnubayang Pagsasanay 1 1. C 2. E 3. A 4. B 5. D		Pinatnubayang Pagtatasa 1. D 2. E 3. A 4. C 5. B		Pinatnubayang Pagsasanay 2 1. B 2. A 3. C 4. B 5. C	
Malayang Pagsasanay 1 1. P 2. P 3. P 4. P 5. B		Malayang Pagtatasa 1 1. ♥️ 2. ♥️ 3. ⊖ 4. ⊖ 5. ♥️		Malayang Pagsasanay 2 1. E 2. D 3. B 4. C 5. A	
Isaisip 1. BABALA 2. PAALALA 3. MAIPAHAYAG 4. IMPORMASYON 5. MAKATOTOHANAN		Isagawa Maghiwalay ng basura upang mapangalagaan ang ating kalikasan. Magtanim ng mga puno upang makatungsa ang kalikasan		Tayahin 1. A 2. B 3. B 4. C 5. D	
		Karagdagang Gawain (Surin ang mga paalalang isinulat ng mag-aaral)			